

UCAPAN ALU-ALUAN
YBHG. PROF. DR. SHAHANUM MD SHAH
PENOLONG NAIB CANSELOR, KOLEJ PENGAJIAN
SENI KREATIF

MAJLIS MENANDATANGANI MEMORANDUM
PERSEFAHAMAN ANTARA
KOLEJ PENGAJIAN SENI KREATIF (KPSK) DAN
JABATAN MUZIUM MALAYSIA

22 SEPTEMBER 2023 | 10.00 PAGI | ARAS 7,
BANGUNAN CANSELERI TUANKU SYED
SIRAJUDDIN, UiTM SHAH ALAM

Bismillahirrahmanirrahim

Assalamualaikum Warahmatullahi Wabarakatuh,

Yang Berbahagia Datuk Kamarul Baharin bin A.

Kasim

Ketua Pengarah Jabatan Muzium Malaysia

Yang Berusaha Prof. Madya Ts. Dr. Wan Aida Wan

Yahaya

XXX

Yang Berbahagia Prof. Dr. Amer Shakir Zainol

Dekan Hal Ehwal Pelajar, Kolej Pengajian Seni Kreatif

(KPSK)

Yang Berusaha Prof. Madya Ts. Dr. Rusmadiyah

Anwar

Dekan Hal Ehwal Akademik, KPSK

Yang Berusaha Prof. Madya Ts. Dr. Wan Aida Wan

Yahaya

Dekan Jaringan Industri, Komuniti dan Alumni, KPSK

Yang Berusaha Prof. Madya Dr. Sharifah Faizah

Dekan Penyelidikan dan Invoasi, KPSK

Barisan Profesor, Ketua-ketua Pengajian,
Koordinator-koordinator, Para pensyarah, dan hadirin
yang saya hormati sekalian.

[Salutasi- kemas kini berdasarkan kehadiran]

Assalamualaikum, Salam Sejahtera dan Salam

Malaysia Madani,

1. Setinggi-tinggi kesyukuran ke hadrat Allah SWT kerana dengan izin dan limpah kurnia-Nya, kita dapat bersama pada pagi ini di “**Majlis Menandatangani Memorandum Persefahaman** antara Kolej Pengajian Seni Kreatif, UiTM dengan Jabatan Muzium Malaysia.”

2. Terlebih dahulu, saya mewakili Yang Berbahagia Profesor Datuk Dr. Hajah Roziah Mohd Janor, Naib Canselor UiTM, mengalu-alukan kerjasama dengan pihak Jabatan Muzium Malaysia.

3. Beliau amat berbesar hati atas kerjasama yang dilaksanakan ini dan merakamkan penghargaan kepada semua yang hadir pada majlis hari ini, khususnya

pensyarah-pensyarah, rakan-rakan industri dan media. Beliau memohon maaf atas ketidakhadiran dalam majlis ini, atas urusan yang tidak dapat dielakkan.

Para hadirin yang dihormati sekalian,

4. Pengajian dan pengurusan muzium, atau *museum studies* adalah sinonim dengan pemerksaan dan pemeliharaan budaya dan kraf. Pemeliharaan budaya dan kraf pula, samada berbentuk material atau non material, sinonim dengan amalan di Kolej Pengajian Seni Kreatif.

5. Saya difahamkan terdapat 22 muzium secara amnya di bawah pentadbiran dan pengurusan Jabatan Muzium Malaysia di serata Malaysia. Ini menjamin akses yang meluas, bagi potensi kerjasama seperti penyelidikan, pengurusan koleksi dan penyebaran ilmu

pengetahuan melalui program berbentuk pameran, ceramah, bengkel, seminar, forum dan persidangan di dalam bidang seni kreatif.

6. Sebagai salah sebuah institusi pengajian tinggi yang komprehensif, UiTM melalui KPSK menggalas amanah sebagai medan ilmu yang menjalankan kerja-kerja pengajaran, pembelajaran dan penyelidikan. Antara program-program KPSK dengan kerjasama Jabatan Muzium Malaysia yang pernah dianjurkan bersama adalah termasuk pameran Textile DYECO bersama Muzium Tekstil; Program Art Show, Muzik, Seni, Pendidikan dan Uniti Anjuran Muzium Muzik, dan Pameran Chrome Astra bersama Muzium Etnografi Melayu. Kita yakin, akan ada banyak lagi kerjasama yang dinamik diadakan pada masa hadapan.

7. Ini juga menunjukkan bahawa kerjasama ini adalah satu inisiatif yang perlu diberi perhatian serius oleh semua pihak dalam usaha untuk mendidik graduan universiti berkemahiran dan berpengetahuan dalam pengajian muzium.

8. Selain itu, program-program advokasi atau seminar ini bertujuan untuk meningkatkan kesedaran terhadap bidang berkaitan pembudayaan seni dan kraf dalam kalangan graduan dan warga Universiti juga boleh dilaksanakan.

Para hadirin yang dihormati,

9. Saya juga pasti, kerjasama ini akan dapat mewujudkan ruang di antara kedua-dua pihak melalui perkongsian pintar serta kajian dalam bidang seni kreatif.

10. Selain itu, kerjasama seperti ini juga dapat memastikan bekal kumpulan pakar secara berterusan di negara kita yang dapat memberi pendidikan dan latihan kepada graduan khususnya dalam bidang permuziuman.

11. Perkongsian ilmu dan hasil-hasil kajian melalui pameran, ceramah, bengkel, seminar, forum dan persidangan semestinya mampu menyumbang ke arah pembentukan jati diri graduan untuk membangun kelestarian modal insan yang berkualiti, empati dan madani.

Hadirin sekalian,

12. Pada kesempatan ini, saya mengucapkan sakalung tahniah kepada jawatankuasa yang terlibat melaksanakan perjanjian persefahaman ini di atas usaha yang konsisten dalam memastikan momentum kecemerlangan UiTM.

13. Sekali lagi, terima kasih saya ucapkan kepada pihak Jabatan Muzium Malaysia dalam menjayakan kerjasama ini.

14. Semoga segala perancangan yang telah diatur dapat kita laksanakan dengan sebaiknya dan kerjasama ini dijadikan asas kepada perkongsian ilmu yang bergerak secara terus dengan perkembangan yang

memberikan manfaat positif kepada kedua-dua belah pihak.

15. Marilah kita sama-sama melakukan yang terbaik demi meneruskan legasi kecemerlangan UiTM ke arah *Globally Renown University 2025*.

Wabillahitaufikwalhidayah, wassalamualikum w.b.t.